

聖宗徒撒特兒後公書

第一章

第六四節

奉教人體統
及行爲

○伊伊蘇斯合利斯托斯之僕及宗徒錫孟撒特兒書達凡賴上帝及拯救者伊伊蘇斯合利斯托斯之義與我等獲同貴之信者願恩寵安和由上帝及吾主伊伊蘇斯合利斯托斯之知識加增予爾等因上帝之能力賜我等爲生命及虔誠一切所需者乃藉以榮光及善德而召我等者之知識也於是賜我等以至大及寶貴之許約以之使爾等成爲上帝性體之分受者克脫離在世界者敗壞之私慾是故爾曹盡心勉力使爾等信德加以善德在善德加以智慧在智慧加以節制在節制加以忍耐在忍耐加以虔誠在虔誠加以友弟在友弟加以仁愛蓋在爾中有此而彌益則在吾主伊伊蘇斯合利斯托斯之知識中使爾

等無怠荒、無不結果、^九誰若無此、則盲矇其目、忘其舊日罪之潔淨矣。○^十故諸弟兄更當勉力使爾等之位、分及選分、成堅固、如此行者永不躓蹶。○^{十一}如是、爲爾等廣開進路于吾主拯救者伊伊蘇斯合利斯托斯之永遠國、^{十二}故爾等雖知悉及堅定於所得之真實、我恒不息記念此事於爾等、^{十三}迨我在此幕之時、以記念提醒爾等、我以之爲義、^{十四}因知我當速棄我幕、如吾主伊伊蘇斯合利斯托斯顯示于我者、^{十五}然我仍當勉力、爲我去後俾爾等恒以此爲記憶、^{十六}蓋我儕曾以吾主伊伊蘇斯合利斯托斯之能力與降臨宣告予爾等、非從巧飾之虛誕、乃親自所見其威嚴者、^{十七}蓋彼由上帝父受尊貴及榮光、自極美之榮光中有聲來臨之曰、此乃我之愛子、我所喜悅者也、^{十八}此聲自天來、我儕偕彼在聖山時已親聞之、^{十九}且我儕有更確實先知之言、爾曹善爲注意之、宜歸向之、如燈照于暗

處以待天曉而晨星出照于爾等之心。○^{二十}首先知此凡聖經之預言不可私意講解之。蓋預言未嘗由人之志而來乃上帝之諸聖人感于聖神而言者也。

第一章

偽先知出現
乘教沉淪之
亡滅

一 昔時民間有偽先知如在爾中亦將有偽師其以滅亡之異端傳入違背救贖彼等之君宰速自取滅亡。有^二多人將從其放蕩致真實之道因之受謗譴。彼等^三由貪婪中以巧飾之言羅爾等。審判早已爲之定妥。彼等之滅亡不寐。蓋昔上帝未惜犯罪之天神乃以地獄幽暗之縲絆縛之付以看守待以審判受刑。亦未惜^五上世發洪水于不虔敬之世。惟拯救宣義者。諾乙等八人。又擬定^六傾覆莎多木與郭摩泐二城。焚爲灰燼。乃爲後來之不虔敬者有鑑於此。惟拯救義人羅特。乃倦于無道放蕩。

之事者，蓋此義人居于彼等間，目見耳聞其不法之行，日日傷其義心。

○然則主知拯救虔誠之人，脫于誘惑，而看守不義者，待審判日以受

刑。○惟從肉體私慾之污穢，藐視執政，狂妄放肆，謗讟尊者無畏懼至

諸天神等，雖其權威能力勝於彼等，在主前向彼等尚不忍發申斥之

審判。彼等如天然無言之獸，生爲擒執，而宰滅者，其衷不知毀謗，以己

之敗壞而滅亡。彼等必受作惡之報，蓋彼等日日以宴樂爲歡喜，污穢

者與輕賤者偕爾同筵，其時以其勾引爲取樂，其目充滿姦淫及不息

之罪，引誘不堅之心，其心習慣於貪婪，斯乃被詛咒之子也。彼等離正

道而入迷途，從沃莎兒子瓦刺阿木之道，即愛不義之利者，而爲其惡

見責，有無言之牝驢出作人聲，以止先知之狂妄。此輩如無水之泉，被

風所飄之雲霧，永遠之幽暗爲彼等備存之。蓋彼等矜誇虛誕，以肉體

之私慾及淫亂引誘甫脫于迷惑中而居者、彼等^{十九}以自由許之、而自爲
腐敗之奴隸、蓋誰勝之者、卽爲其奴隸也、蓋誰若^{二十}因識吾主拯救者伊
耶穌合利斯托斯脫逃世之污穢者、後復爲此事所纏所勝、則其後
患較前尤甚、蓋彼等寧以不識義道、強如識者反復所傳彼等之聖命
爲美、於是彼等正如諺語所云、犬轉食其所吐者、又豕既潔、復淖于污
泥之中、

第三章

○所愛者歟、我刻已達爾等此後書、其中我以記憶提醒爾等正潔之
意、使爾等記憶聖先知預言之言、及諸宗徒爲爾儕所傳主拯救者之
誠命、首先爾等當知、在末日將有嘲笑者來、縱已之私慾而行、伊曰、其
將降臨之約許安在、自列祖安息以來、于創造之元始、萬有所存皆如

聖詠八九章
五節

是、蓋彼等不欲知元始以上帝之言而有天亦有地、乃出於水、賴于水
合成、於是當時之世亦被水淹沒而滅亡、然今時之天地亦賴其言護
保存而爲火、待至審判不虔敬之人淪亡之日、所愛者歟、惟此不可不
知、在主前一日如千年、千年如一日、主非遲行其許約、或者以爲其遲、
乃寬忍我等、不欲有一人滅亡、但欲衆人皆至悔改也、然主之日如盜
乘夜而來、當時天大震響而逝、體質被焚而銷熔、地及其所載之萬物
皆焚燼、此一切若將消滅、則爾等之行爲與聖潔及誠敬將若何、時爾
曹仰望及愛慕上帝之日來、因之天被焚而毀、體質被烈燄銷熔、然我
儕依其之約許以望候新天新地、即義之居所、故所愛者歟、爾曹望候
之、在彼前勉力顯爲無玷無疵於安和、爾等以吾主之寬忍爲拯救、如
我所愛之兄弟葩韋勒循所賦彼之智慧、亦曾書達爾等矣、在其諸書

